



Uunga Inatsisartunut ilaasortaq Ruth Heilmann,
Maani

**Pineqartoq: Maniitsumi ernisussanik sullissineq pillugu § 37 imm. 1 naa-
pertorlugu apeqquut no. 112/2012**

9. maj 2012
Sulap no. 2012-065494
All. Upp. Nr. 894680

Maniitsumi ernisunik sullissinermut tunngatillugu Inatsisartunut ilaasortap
apeqqutaanut qujavunga.

Postboks 1160
Oqa: 34 50 00
Allak: 32 55 05
3900 Nuuk

Apeqquutit ataasiakkaarlugit ataani akineqassapput.

Email: pn@nanoq.gl
www.nanoq.gl

**1. Maniitsumi naartusut Sisimiunut erniartortinneqartalernissaat ullu-
ni makkunani tusagassiutigut tusarliunneqartoq pillugu Naalak-
kersuisut qanga ilisimasaqalerpat?**

Pingasunngorneq 4. april 2012 ullup qeqqalersoq, tassa poorskip
siuninnguani. Taamaammatt imaangilaq Naalakkersuisut Ilaqutariinner-
mut Peqqissutsimullu Ataatsimiititaliamut isertuussaqarsimasut, ilaa-
sortap oqarnera malillugu.

**2. Maniitsumi ernisussat Sisimiunut erniartortinneqartalernissaat pil-
lugu Naalakkersuisut siusinnerusukkut Inatsisartunut ilisimatitsisi-
mannginnerat sumik pissuteqarpa?**


Peqqissutsimut Pitsaaliuinemullu Aqutsisoqarfik Kalaallit Nunanni
siunissami ernisussanik sullissinermik ineriartortitsinissamut pilersaa-
rusiornermik maannakkut suliaqarpoq. § 37.1 no. 93/2012-imut akis-
suterput takoqquneqarpoq. Suliami tassani erseqqissarneqarpoq ernisus-
sanik sullissinermi allanngortitsinissamik pisariaqartitsinermi innut-
taasup, kommunip najukkamilu peqqinnissaqarfiup sapinngisaq malillugu
piaarnerpaamik akuutinneqarnissaat qanoq pingaaruteqartigisoq. Nalu-
naaruteqarnerup nalaani suliaq taanna naammassineqarsimanngimmat
Naalakkersuisoqarfik ilisimatinneqarsimanngilaq, Inatsisartullu aamma
taamaasillutik ilisimatinneqarsimanatik.

**3. Taamatut aalajangiisimaneq pillugu Qeqqatta Kommuniani kommu-
nalbestyrelsimi ilaasortat imaluunniit borgmesteri siusinnerusukkut
ilisimatinneqarnikuuppat?**

Apeqquummut 2-mut akissut takujuk. Nunap immikkoortuani Peqqin-
nissaqarfimmiit nalunaaruteqartoqarnerata kingorna Qeqqata Kommu-
niani borgmesterimit Hermann Berthelsenimit ingerlaannaq saaffigine-
qarpunga, taannalu akivara.

4. **Maniitsumi naartusut Maniitsumi ernisarnissaat pillugu suliniuteqarnissaq Naalakkersuisut qanoq piumassuseqarfigitigaat?**
Naalakkersuisut isumaat § 37.1 no. 93/2012-imut akissummi allaaserineqarpoq. Pingaarnersaasoq tassaavoq ernisussanik sullissinermi peqqinnissaqarfiup pitsaassuseq isumannaatsuunissarlunniit pilliutigisinnaa-nagillu pilliutigerusunngimmagit.
5. **Maniitsumi peqqissaaviup pitsaaqisup sulisorissaaqisullu aammalu Sisimiuni peqqissaavittulli atortorissaaruteqarluartigisup siunissami qanoq atorpeqarnissaa piorsarnissaa Naalakkersuisut qanoq pilersaaruteqarfigaat?**
Peqqinnissaqarfiup nunap immikkoortuinut aggornilersorneqarnissaa Inatsisartuni amerlanerussuteqartunit tapersersorneqarpoq. Taanna maan-nakkut ingerlanneqareerpoq. Nunap immikkoortuani napparsimmavik ullumikkut Sisimiuniippoq, Maniitsoq ullumikkut peqqissaaveqartoq. Nunap immikkoortuani napparsimmavik pissutsit malillugit nunap immikkoortuanut peqqinnissaqarnikkut qitiutillugu ingerlanneqassaaq. Tamanna ersarinnerusumik § 37.1 no. 93/2012-imut akissummi allaaserineqarpoq, tassani nunap immikkoortuinut aggornilersuineq pillugu nassuiaammi nunap immikkoortuinut aggornilersuineri soorlu siunissami ernisussanik sullissinermut tunngasuni suut naatsorsuutigineqarnersut allaaserineqarput.
6. **Pilersaarut Maniitsumi innuttaasunut taama attuitigisoq pillugu Naalakkersuisut innuttaasunut nassuiaateqarnissartik pingaartissimanninnerpaat?**
Innuttaasunut paasissutissiisimanninneq siusinnerusukkut tusagassiuuti-tigut ajuusaarutigaa. Suliamut tunngasumik paasissutissiiniarneq ajoraluartumik pissusissamisoortumik suliarineqarsimangilaq. Qulaani allaaserineqartut Peqqissutsumut Pitsaaliuinerimullu Aqutsisoqarfiup erseqqissaatigeqqammerpaa qanoq pingaaruteqartigisoq ernisussanik sullissinermi allanngortitsinissamik pisariaqartitsinermi innuttaasup, kommunip aamma najukkami peqqinnissaqarfiup sapinngisaaq malillugu piaarnerpaamik akuutinneqartarnissaat.
7. **Illoqarfimmut allamut erniartortitsinermi ilaqutariit ataatsimoornis-saat pillugu Naalakkersuisut qanoq pilersaaruteqarpat, aamma angalanermut aningaasartuutissat eqqarsaatigalugit?**
Malittarisassat atuuttut malillugit naartusup angalaneranut, najugaqarne-ranut nerisaqarneranullu aningaasartuutit peqqinnissaqarfiup akilertarpei.

Inussiarnersumik inuulluaqqusillunga


Agathe Fontain



SIUMUT Inatsisartut

26. april 2012

Inatsisartut suleriaasiat § 37 imm.1 naapertorlugu Naalackersuisunut apeqqutit:

1. Maniitsumi naartusut Sisimiunut erniartortinneqartalernissaat ulluni makkunani tusagassiutitigut tusarliunneqartoq pillugu Naalackersuisut qanga ilisimasaqalerpat?
2. Maniitsumi ernisussat Sisimiunut erniartortinneqartalernissaat pillugu Naalackersuisut siusinnerusukkut Inatsisartunut ilisimatitsisimannginnerat sumik pissuteqarpa?
3. Taamatut aalajangiisimaneq pillugu Qeqqata Kommuniani kommunalbestyrelsimi ilaasortat imaluunniit borgmesteri siusinnerusukkut ilisimatinneqarnikuuppat?
4. Maniitsumi naartusut Maniitsumi ernisarnissaat pillugu suliniuteqarnissaq Naalackersuisut qanoq piumassuseqarfigitigaat?
5. Maniitsumi peqqissaaviup pitsaaqisup sulisorissaaqisullu aammalu Sisimiuni peqqissaavittulli atortorissaaruteqarluartigisup siunissami qanoq atorneqarnissaa piorsarnissaalu Naalackersuisut qanoq pilersaaruteqarfigaam?
6. Pilersaarut Maniitsumi inuttaasunut taama attuitigisoq pillugu Naalackersuisut inuttaasunut nassuiaateqarnissartik pingaartissimannginnerpaat?
7. Illoqarfimmut allamut erniartortitsinermi ilaqtariit ataatsimoornissaat pillugu Naalackersuisut qanoq pilersaaruteqarpat, aamma angalanermut aningaasartuutissat eqqarsaatigalugit?
(Inatsisartuni ilaasortaq Ruth Heilmann Siumut)

Tunggavilersuut:

5. april 2012 Maniitsumi halimut iserama Maniitsumi juumuup Maniitsormiut nunaqarfinnilu Maniitsup pigisaaniittuneersut naartusut tamarmik april 2012-miit Sisimiunut erniartortinneqartalernissaat pillugu assut ajuusaarluni ilisimatippaanga. Taamatut ilisimatinneqarnera assut tupassutigaa tassami **Peqqissutsimut Ilaqtariinnermullu ataatsimiititaliami** ilaasortatut tamanna pillugu ilisimatinneqarsimannginnama. Paasinarsivoq suliap ingerlanneqarsimanera isertugaasimasooq, tamanna akuersaarneqarsinnaanngilluinnarpoq. Maniitsumi naartusut Maniitsumi ernisinneqartarnerisa ingerlaannarnissaa pillugu Naalackersuisut suliniuteqarnissaat kissaatigaara.